

Uvodno obraćanje visokog predstavnika i specijalnog predstavnika EU Valentina Inzka emitovano na sastanku eksperata iz oblasti energetike iz reda parlamentaraca i članova vlade Saarlanda i Bosne i Hercegovine

Bosni i Hercegovini treba razumna i transparentna energetska politika

Dame i gospodo,

Veliko mi je zadovoljstvo da vas danas sve mogu pozdraviti.

Studijske posjete organizovane u okviru programa EU za tehničku pomoć i razmjenu informacija – poznatog pod skraćenicom TAIEX – pružaju praktičnu ekspertizu u provedbi zakonodavstva EU – što je ključni element za uspjeh u integraciji Bosne i Hercegovine u Evropsku uniju.

U tom kontekstu, Ured specijalnog predstavnika EU te *Landtag* i Vlada Saarlanda radili su zajedno sa TAIEX-om da bosanskohercegovačkim parlamentarcima i predstavnicima ministarstava u ovom forumu pruže korisne informacije u vezi sa pitanjima iz sektora energetike.

Saarland je morao odgovoriti na izazove potražnje i

proizvodnje energije industrijskog i postindustrijskog doba, koji su prolazili kroz radikalne promjene. Remont zastarjele energetske infrastrukture još je jedan izazov sa kojim se suočava Bosna i Hercegovina, u kojoj je energetska efikasnost i dalje daleko ispod nivoa EU.

Prije nekoliko dana, kancelarka Merkel govorila je o namjeri Njemačke da postane svjetski lider u obnovljivoj energiji.

Potencijal za jačanje energetskog sektora zasnovanog na hidroenergetskim potencijalima, biomasi i vjetru u Bosni i Hercegovini je ogroman, a njemačka vlada već je aktivan partner u ovom sektoru, budući da je finansirala *Atlas vjetrova BiH* te putem Razvojne banke njemačke vlade investirala u vjetroelektranu Mesihovina, da navedem samo dva projekta.

Kao jedini izvoznik energije na Zapadnom Balkanu, Bosna i Hercegovina ima potencijal da ovaj ogromni prirodni resurs pretvori u instrument ekonomske transformacije zemlje.

Sektor obnovljive energije zreo je za međunarodne investicije, a od toga će profitirati građani BiH – ali samo ako se energetska politika razvija razumno, transparentno i brzo.

Trenutni zastoje u investiranju u infrastrukturu za prenos električne energije u Bosni i Hercegovini – i to isključivo zbog političkih neslaganja – pretvorio je potencijalni pokretač ekonomskog razvoja u ekonomski hendikep.

To je ozbiljan i nepotreban zastoje.

Nadam se da će vaši razgovori u Saarlandu naglasiti prednosti pragmatične i kreativne strategije u energetskom sektoru.

Sastajete se samo dvije sedmice nakon što su na sjednici inicijative Građani za Evropu u Sarajevu donesene konkretne preporuke zainteresovanih strana iz građanskog društva za energetski sektor BiH. Ključna riječ na tom sastanku bila je koordinacija. Koordinacije mora biti više i ona mora biti

bolja među svim nivoima vlasti, a koordinacija mora postojati i između vlasti i građanskog društva. Ovaj poziv na bolju koordinaciju i ubrzanu uspostavu odgovarajućeg državnog tijela koje će omogućiti investiranje u "čistu" energiju dobio je široku podršku i nadam se da će se danas odraziti i u vašim zaključcima.

Bosna i Hercegovina treba da radi na tome da svoj ogromni potencijal u obnovljivoj energiji pretoči u nova radna mjesta, veći prihod i veće ekonomske mogućnosti za preduzeća i pojedinačne potrošače.

Nadam se da će ova studijska posjeta omogućiti da se lekcije koje je Saarland naučio na putu ka energetske efikasnosti u Evropskoj uniji primijene i u Bosni i Hercegovini.

Hvala vam.

Govor možete preuzeti [ovdje](#)